

ORATIO
FRANCISCI
BOCCHII

DE LAUDIBVS PHILIPPI II.
HISPANIARVM REGIS,
Catholici, & Potentissimi.



FLORENTIAE;

Apud Michaelangelum Sermartellium. B.F.

CIO IO XCVIII.

Io ho riuista la retroscritta Orazione, & in essa non ho trouata cosa contra la fede Cattolica della Romana Chiesa, ne contra i buon costumi. Il di xiii. di Nouembre. 1598.

Pietro Stufa Canonico.

Imprimatur Florentia, accedente consensu R.P. Inquisitoris. Die xx. Nouembris. 1598.

Antonius Beniuenius Vic. Gen. Fl.

Fr. Dionisius Constacciarus Inquisitor Florentiz. xx. Nouembris. 1598.

ILLVSTRISSIMO.
ET REVERENDISS. GARTIAE
DE LOAISA, TOLETI
ARCHIEPISCOPO

S A L.



*Q*UOD nullo umquam tempore vsuuenit, ut orbis terrarum curam vir vnus sustineret; re ipsa, ut vidimus, hac nostra atate factum est. Ita enim imperium Philippi, Hispaniarum Regis, tam latè patet, tam se infinitis pæne finibus extendit; ut si rectè ratiocinamur, orbem terrarum comprehendat. Priscis quondam temporibus Reges satis latè, satisq; amplè regnare visi sunt, dum nonnullis nationibus ad suum arbitrium imperarent. Nunc verò Dei Opt. Max. numine tanta potestas ad vnum delata est, ut complexa cunctas terras, omnium salutem, & commodum respiciat. Hoc nomine minimè mirum est, omnium animos dolore conflictarì; qui praesidio sanctissimi Regis spoliati, quocumque oculos conuertunt, causam lacrimarum, & luctus intuentur. Vbiq; enim terror armorum quesi Christiana Reipub. minatur, bonorumq; consensus, qui malis orientibus resistat, tacitis vocibus requirit. Admirabili vigilantia per annos I I I. & X X X X. innumerabilium ferè populorum, & nationum vitam, opes, liberos, qua omnia in suam fidem sanctissimè receperat, ita tutatus est; ut unusquisque, cum in se permagna bona fuerit expertus, non sine causa perescescat, & salutis spem veris lacrimis deploret. Tuus verò amor, aut pietas potius in Regem ceterorum omnium potentissimum cum sui animi propensione, & onere sanctissimi muneris illustris semper fuit; tum hoc tempore tue probitatis tam magna signa dedit,

ut nemini concedens, ad quem luctus desiderio amplissimæ viri
iam perueniret, lacrimarum plurimum profuderit. Quoties enim
sapientissimi Regis grauissimorum negotiorum pondus memoria re
petis (contigit enim tibi, ut ea videres, quæ longo spatio disiuncti
ceteri mirantur) totius pietatem, iustitiam, & sapientiam, quibus
perfecto cunctis prestitit Regibus, recordaris; & quò tibi admira
bilis virtus magis nota est, eò te nunc magis mors iure quidem opti
mo sollicitat. Tu vnus à Rege sanctissimo delectus, qui eius filium
ad sapientiam erudires, non solum sapientissimi patris, sed om
nium iudicio, quod mandatum fuit, mirabiliter impleuisti; eosq;
mores, qui in Philippo patre probabantur, ita Philippum filium
docuisti; ut & omne gemini nominis, geminaq; virtutis, eadem
bona omnium consensus se visurum in filio posthac sibi promittat,
quæ antea in patre tam salutariter expertus est. iis verò exequiis
(neque enim apud nos quisquam, dum memoria repeto, ampliori
funeris pompa affectus est) quibus tam summum Regem Ferdi
nandus Magnus Etruria Dux celebrandum curauit, appellare te,
vir amplissime, decreui, atque has meas lucubrationes tuo nomini
dicare; ut eisdem, si minus contigerit, ut dolor, qui te conficit, mi
nuatur; id saltem assequar, ut testatum apud te relinquam, non
deesse in hominibus Italis propensionem, quæ virtutis magnitudi
nem in summo Rege mirentur, & colant. Vale; Florentia. 111.
Cal. Ianuarij cld lo xcviij.

Amplitudini tue deditiss.

Franciscus Bocchius.

5

O R A T I O
F R A N C I S C I
B O C C H I I

De Laudibus
PHILIPPI II. HISPANIARVM
REGIS, CATHOLICI, ET
POTENTISSIMI.



ONQVIESCERE orbis terrarum, & tandem aliquando per homines summos recreari posse videbatur; cum auxiliis salutaribus desperatis, optimis consiliis extinctis, ut spes salutis esset nobis penitus preclusa, vnius casus acerbitate, cetera, quae iam tulimus mala, mors importuna sapientissimi viri superavit. Rege enim Philippo tam alieno tempore extincto, cuius imperium vniuersum pene terrarum orbem comprehendit, & salus publica afflictata est, atque omnes vires, quae in propulsandis incommodis, & detrimentis versabantur, repente conciderunt. Quod nunc studia nostra se conuertent, quod se consilia, quod cogitationes, quibus ad hoc tempus, regnante prudentissimo viro, nostras opes tam egregie tutati sumus? Tot ille populorum presidium, tot regnorum columen & ruentes sustinuerat, & fouerat afflictos, & ne teterrimi hostes regionibus nostris impunè insultarent, multos annos mira quadam vigilantia prouiderat. Viri grauissimi nunc cogitationi tanti oneris succumbunt; cunctae Reipub. principes tam magno vulnere afficiuntur; & qui tantarum rerum pondus subire possit, & consilio & mente circumspiciunt. Vnius Dei hoc opus est, qui tot malis imminentibus succurrat, & perniciem à nobis necessario tempore depellat; ne regnum amplissimum multas in partes diuulsam, quod vnius vita inter se tam salutariter astringebat, nunc eiusdem mors ad omnium periculum relaxet. Tu igitur mitissime Deus, qui cunctorum mortalium mentes intueris, orbi terrarum morte sapientissimi Regis iam labanti tuo numine subueni; causisq; malorum depulsis, ut firmo loco regnum ceterorum omnium opulentissimum consistat, pro tua sapientia perface; atque ut ipse

ipse mœrore confectus, & lacrimis debilitatus, viris honestissimis attentè audientibus aliqua ex parte satisfaciâ, tuum præsidium imperti. Facit, vt video, rerum maximarum facultas audientiam; quæ & multitudine populorum, & opuni abundantia, & regnorum in vno imperio amplitudine ceteras omnes superarunt. Sed tamen, ne vim doloris detrimentis commemorandis orbis terrarum augeamus, vt nostri muneris est, lacrimarum, & luctus causis omisiss, rem propositam nobis persequamur. Natus est igitur Philippus ex Carolo Quinto, atq; ex Elisabetha, Regis Lusitanix filia; quorum vterque & generis nobilitate, & familiarum amplitudine, & regnis opulentissimis, quibus præfuerunt, orbis terrarum approbatione semper floruit. Carolus autem cum sui temporis Regibus præstitisset, veterum imperatorum gloriam bellicis laudibus æquauit. Complexus est igitur Philippus imperium à patre relictum, summa omnium expectatione, sæuientibus vndique bellis; tantoq; animi robore per annos tres, & xxx. se se gessit, vt mutata tantummodo persona easdem regias administrationes, & suis rebus salutes innumerabiles ferè nationes fuerint expertæ, quas antea in parente tantopere probauerant. Summis in rebus initio ætatis ingenuus animus clarissimis moribus se aluit, & diuinæ legis lumine, comitante probitate, ad eas virtutes se exercuit, quas præcipuè paulo post regnum amplissimum videbatur postulare. Adolescentia modesta, fortis iuuentus, totumq; tempus traductum sapienter miros quosdam amores in hominum animis exuscitat; sed diuinis præceptis inhærere, & pietatis causam toto pectore suscipere, humanæ profectò fragilitatis conditionem vincit; atq; ascendens, terrenis opibus proiectis, cælum ipsum pænè contingere videtur. Neque verò mirum est, tot hominum voluntatibus, tot populis, tot nationibus, tot terris tam inter se disiunctis vnum salutariter imperasse, qui singulis hœris Nostri Saluatoris monita ad suum consilium admisit. Vir mirus excelso animo ita onus omnium maximum mādari sibi passus est, ita negotium, quo salus orbis terræ continetur, hilarè comprehendit, vt sanctitatis, sapientiæ, atque omnium officiorum obstringi se religione iudicaret. Per arduo in negotio versatur, qui familiarum, qui magistratui, qui vni ciuitati tantum consulit; qui multos mortales, qui exercitum, qui Rempub. gubernat, maiori quodam onere omnino premitur; verumtamen qui innumerabiles pænè vrbes suis consiliis regit, qui rationem barbaris, qui humanitatem feris nationibus suppeditat, qui totum pænè terrarum orbem cōprehendens, vt scimus Regi Philippo contigisse, salutem vniuersis impertitur, sustinet is pondus profectò tantummodo vnus, quod planè complures vix vllō pacto videntur posse sustinere.

Vix

Hispaniarum Regis .

7

Vix dum annos quattuordecim impleuerat, cū pater sua sponte, & summa indole, & regia admonitus rerum maximarum administratio- nem ei tradidit; & vt se Regem esse meminisset, magnarumq; ciuita- tum Rempub. suo iudicio obiret, grauiter est, & piē adhortatus. Eo in genio, quo ad summa negotia factus erat mirabiliter, onus omnium maximum suscepit; atque ita Hispanicæ ditionis curam initio expli- cauit, vt nihil in eo cogitarum leuiter homines grauissimi, nihil actum pueriliter agnoscerent. Quamobrem Caroli Quinti pietatem erga filium, & filij obseruantiam in patrem quibus verbis prosequar, qua ratione incredibile animi magnitudinem enarrem? Mirabiliter se non præsidio ætatis tantum, sed diuinis præceptis Rex Philippus roborat; quid ingenio, quid consilio posset, egregiē ostenderat; cū pater deinde & vsu rerum edoctus, & regnorum multorum amplitudine satiatus, & virtute filij permotus imperium omnium maximum, atque opulentissimum eidem filio præter omnium expectationem tradere de creuit. Hic, viris clarissimis videntibus pater de summa modestia filij; filius de incredibili probitate patris laborabat; fidem nemini rei magnitudo faciebat; cū satis in tempore, quod fuerat prædictum, nulla mora interposita, representatum est. Crebris enim lacrimis, & vocibus nimia pietate interruptis, sententia excepta est; qua Carolus ipse se ipso maior, atque augustior suorum regnorum, quæ per multa erant, Philippum filium Regem declarauit. Hac munificentia, qua obstupefactis animis omnium Regum, totius orbis oculos in se conuertit, quid aliud actum est, nisi vt totius Hispaniæ, Italiæ, & ceterarum regionum consensus intelligeret, custodem orbi terrarum esse de- lectum, qui in fidem cunctas pœnè terras sanctè, & regiē reciperet, & fideliter salutem tueretur? In ætate tam lubrica, variisq; cupiditati- bus infesta pertimescendum erat, ne par esset tam summis rebus, ne imperij magnitudini succumberet; hominumq; suspensis animis, hæ planè responderet, non sine causa timebatur. Numquam post homi- num memoriã res tam grandis, tam egregia, tam illustis acta est: ani- mus enim filij ob pietatem patris pudore perfusus, patrisq; veneran- da probitas suspensos omnium animos tenebat. Sed pater orbi terra- rum fidem suam pro filio obstrinxit, & vt benè sperarent omnes, gra- uiter admonuit; cū occupationibus grauib; tractandis, manda- tisq; patris exhauriendis, fortiter se, & regiē corroborans cunctis pla- nissime ostendit, paucitatem annorum minimè officere, quò minus summis in rebus grauiter se gereret, & summa negotia egregiē expli- caret. Tanta vis in adolescente optimis artibus instituto, tanta graui- tas in moribus, tanta virtus in consuecendis negotiis apparuit, vt cun-

cti

cti & patris sapientissimi prudentiam agnoscerent, atq; in eius imperio pacato animo, & libenter conquiescerent. Mentis munditia, dum ius diceret, perspecta est; in ferendis laboribus constantia; atque asperioribus in rebus mira animi æquitas; vt sibi, si vita suppeditasset, permagna se visuros bona probi homines promitterent, qui tantum iam commodorum, vix firmata ætate, experirentur. Permagni interest, quibus moritus, quibus legibus, quibus præcipuè rationibus vtare in populis regendis, in vrbibus administrandis; sed tamen prò supreme Deus, quantum potest vnus viri optimi consilium, & prouidentia magnis in negotiis? ad omnes fortunæ minas, & tempestates, quasi murus quidam ferreus, vt in Philippo sæpè accidit, regis sapientissimi auctoritas opponitur. Premant licet vndique insidia, vrgeant procellæ; perniciem bella, & vastitatem moliantur; vis tamen hæc regia dum viget, dum consilio septa, & prudentia versat sese in omnes partes, numquam deerit illa salus, quam sibi, dum viuunt, omnes homines exoptant. Satis commodè, vt scitis, honestissimi viri, Christiana cum Reipub. actum est vsque adhuc, vt summa tot regnorum ad vnus imperium respiceret potius, quàm multas in partes diuisa, iniuriisq; Turcarum opportuna suis ipsa dissidiis, & hostium immanitate deleretur. Quàm sollicitè, quàm sapienter ratiocinantur probi homines, nostrarum rerum statum summum in periculum venturum, nisi opulentissima quædam potestas, eademq; lege cum diuina consentiens Rempub. capeßat, quæ ex Oriente belluam furentem reprimat, & vim, cum est opus, vi fortiter propulset? A Deo votis omnibus, & summis precibus expetite, vt maximum hoc imperium communis salutis causa conseruetur; vt sit incolume, sit diuturnum, sit florens; ne parùm sibi consentiens insidiis hostium, qui perpetuò ad nostram perniciem vigilat, fædo exitu succumbat; cum magno furori innumerabiles copias trahenti, non, nisi firmissimū quoddam robur opponendum esse videatur. Declarat id nostra hæc Italia, quæ sibi ipsi quondam consentiens exiguis viribus, si tot populorum, tot nationum, tot vrbium exterarum copias spectamus, terrarum orbem sibi parere coegit; atq; amplissimū omnium imperium adepta, floruit tam diu virtutis suæ robore, quàm diu à dissensionibus, & procellis contentionum ciuiliū abhorruit. Simul atq; hanc ipsam vim concordie neglexit, qua sibi potestatis tantum iam pepererat, ab se ipsa diuisa, cunctorum in se odia conuertit; suumq; corpus eis potissimū gentibus ferendum præbuit, quas vel suo tantū nomine terrere consueuerat. Vir igitur sapientissimus quantum vniuersæ Reipub. interesset, sæpè prospiciens, ne dilaberetur regnum, ne imperium à se ipso dissentiret, quo studio, qua diligentia,

quo animi ardore in hanc rem vnam omnium grauissimam incubuit : qua cura, qua vigilantia prouidit, ne qua suspicio discordiæ eorum populorum animos attingeret, quos regendos sua custodia suscepit. Verumtamen tam multæ nationes, tam inter se disiunctæ (quoniam perarduum erat vna, atq; eadem ratione in officio retinere) ne à se ipsis dissentirent, cunctas, quibus consultum volebat, diuino cultu, & vera pietate colligauit. Id opus tanto studio, tanta animi contentione persecutus est, vt non quies ab industria, non somnus ab vigiliis, non defatigatio ab labore hunc Regem prudentissimum vñquam remorata sit, quò minus hoc cœlesti præsidio imperium orbis terræ roboraret. Quid ego nunc verbis huius Regis optinui, ac sapientissimi vitam vobis explicem, qui semper à primis temporibus ætatis ita vixit, vt omnium populorum, qui sibi commissi fuerant, vtilitates intuens, parum quid sibi esset opus, sed quid ceterorum rationes flagitarent, potissimè attendit? Multum illi, qui legis vim sequuntur, sed omnia tamen posunt, qui pietatem spectant, & Dei voluntatem egregiè exquirunt; quò in negotio intentus dies, noctesq; cogitare, summa cura vigilare numquam destitit, vt se se, quæ suis in prouinciis gererentur, ad vnius Dei opt. Max. sapientiam conformarent. Et profectu cedunt omnia feliciter, omnia prosperè eueniunt, quæ nullam in partem à diuinis consiliis dissentiunt. Intentis oculis, tamquam industrium pastorem, in sua regia vigilia dormire numquam decet, qui se multos populos, multas nationes præstare incolumes iure iurando obligauit. Erat igitur huic animo fixum, & propositum, quid vellent, quid optarent innumerabiles parènt mortales; non exciderat, quid sui esset muneris, quid præstare, quid efficere regia vigilia deberet; & ne omnium fidem in se spectantium falleret, ne hominum de se opinionem destitueret, vi quadam admirabili conueneri consueuerat; vt se non sui commodi augendi, sed suorum populorum salutis tuenda causa natum esse, & regnare perpetuò cogitaret. Ad quid regias ptecuraciones laboramus, si nobis tantum viuimus, si nostri commodi causa omnia facimus, si cunctorum negligimus vtilitates, & pro nihilo putamus? Hinc illæ hominum querele ius suum quotidie poscentium; hinc peruersæ indignitates quandoq; ab iniustis graues voces elicièntium; quæ quamquam grauitatem onerum ratione nulla augent, perpetuam tamen iniquitatis famam magnis regibus inurunt. Sed iam in hominibus impiis insedit hoc vitium, inueterauit tanta immanitas in eis, qui nullum cum Deo, nullum vera cum pietate commercium habent; qui humanitatis hostes, & virtutis inimici à cunctis se bonis suæ vtilitatis causa auerunt. Summum imperium diuinis cum legibus coniunctum & sceler-

ra à suis finibus propulſat, & ſanctitatem fortiter cōplectitur. Sitiē-
 ter Hiſpani Reges hanc virtutem ſunt ſecuti; & quō ſuos populos ſa-
 cerent ſibi magis audientes, ſe ipſos nequaquam ad ſpeciem, ſed inti-
 mis animi ſenſibus, Saluatoris Noſtri voluntati ſanctiſſimē dicarunt.
 Huic autē viro admirabili, quoties ſe Regem eſſe meminifſet, ē ve-
 ſtigio veniebat in mētē diuini decoris, probitatis, puerorum, infan-
 tium, virginum; proponebatur animo innumerabilium mortalium
 cupiditas à ſe ſalutem expectantium; obliuiſci non poterat dignitatis,
 impetij infinitam panē à ſe ſollicitudinem flagitantis; ſacrorum au-
 tem, & Summi Pontificis maietas, & tota pietatis ratio vrgebāt eo pa-
 ēto, ac perpetuō ſollicitabat, vt respirare numquā ſineret; & cū Rem-
 pub. maximorum regnorum quotidie obiret, magnō animo, ſingulari
 ſapientia, admirabili grauitate, omnium approbatione parū ſibi ta-
 men ſatisfacere, humiliter, demiſſē ſe ſe gerere, operam ſuam verbis
 imminuere, & quicquid ſulciter, proſperē actum eſſet, ad Dei Opt.
 Max. ſapientiam referre conſueuerat. Indicant bella, quæ cum com-
 munitus hoſtibus geſſit omni tempore; indicant propagati imperij fi-
 nes; in quibus, abdicatis ſcleribus, probitas, religio glorioſē fruti-
 eatur. Nullo tempore hic vir ſummus deſtitit & verſare ingenium ad
 vim virtutis, infinitiſq; occupationibus diſtrictus cuncta providere ſa-
 pienter; atrocibuſq; bellorum fluctibus agitatſ neque ſuæ dignitati,
 neque innumerabilium panē gentium vtilitatibus vūquam deſuit.
 Perſuaſum omnibus eſt, eum ipſum, cui ſummum contigit imperium,
 ſublīmi quodam ingenio excellere; neq; eſſe mirum, vt ei mortales om-
 nes plurimum tribuant, ad quem diuina quadam vi tanta poteſtas eſt
 delatā; cū euenire numquam poſſit, vt. id fiat temerē, & caſu in re
 tam magna, quæ nulli vūquam à Deo, niſi ſumma virtute præditus eſt,
 communicatur. Venit ad laborem, non ad voluptatem vir ſummus,
 ad periculum, non ad quietem, ad ſollicitudines continentes, non ad
 animi remiſſionem, qui hoc regium munus, ceterorum omnium labo-
 rioſiſſimum aggreditur. Perexigua poteſtas indicio ſapē eſt, quā
 graue ſit, quā arduum multis mortalibus imperare; nullæ excubiæ,
 nullæ vigiliæ tam magnæ ſunt, quibus tueri omnia poſſis; nulla pru-
 dentia tam diligens, qua futura optimē perſpicias; oculus nullus, mēs
 nulla tam egregia, quibus, quæ impendent, defendas, & propulſes.
 Delectat regalis apparatus, ſed cura ingens, & perpetua non ſinit con-
 quieſcere; exhilarat pretioſa ſupellex; at voluptas omnis multorum
 multa poſcentium libidine corrumpitur; nihil ſummæ poteſtati deſe-
 ſe videtur, ſi id vñ ad eſſet tamen, animi tranquillitas; quæ dum abeſt,
 facile perficitur, vt omnia deſſe videantur. Nihil eſt enim cunctis in
 artibus

artibus difficilius, nihil vniuersis in rebus laboriosius, quàm tenere clauum Reipub. cum dignitate, magnaq; cum laude imperium multos in populos habere. Quibus rebus deuictis, quàm sapienter hic vir sanctissimus, quàm mirabiliter omnium voluntati satisfecit? quàm magno animo, quàm elato cunctis difficultatibus occurrit? Vniuersum panè terrarum orbem singulari sapientia cōprehendere, infinitas non dicam vrbes, sed nationes consilio gubernare, tot hominum animos tam varios, tam inter se dissentientes, vt idem velint, vt idem sentiant, atq; vnius hominis voluntatem intueantur, diuina lege copulare, vt ab Rege Philippo factum est, adedò magnum est, vt nūquam ante hoc tempus, neque literis vllis, neque vllò sermone sit auditum. Quid ego vobis hoc nomine Neapolitani regni pondus explicem dicendo? quid Sicilię grauissimam curam? quid Mediolani imperij molestiam? quid Belgarum exitus varios, qui tot iam annos sapientissimi Regis imperium detrectant? quid Lusitanos, quid ceteros Hispanos, qui per amplas occupationes obeuntem singulis diebus grauiter exercent? Orbem panè terrarum vnius dicto obtemperantem explicare, ita arduum est, ita inusitatum, vt omnium cogitationes planè vincat. Et cerè iis finibus Romani veteres ingens imperium, & amplum terminarunt; quos profecto, si eos, quibus nunc vtimur, spectarent, suæ iam paruitatis pœniteret. Præ magnitudine rerum, atque opum, quibus Roma omnium victrix quondam se se extulit, vix paulo ante veterum monimētis fides habebatur; nunc verò extremis orbis terminis victi-
cibus Hispanorum armis superatis, omnes planè regiones auro abundantes Solis radiis subiectas nostro iam imperio subiecimus; & vt diuina Saluatoris Nostri monita capessât, labore, & industria præstitimus. Contra salutem panè admirabili quadam virtute nitebantur, terroribus vndique mortis, & minis cōmitati, qui terras ne auditu quidem vñquam cognitatas primò quæritabant; sed tamen immenso distantes in-
ter se spatio regiones magnus Océanus proscindēs vim suam ad extremum eorum dimisit voluntati, qui cœlesti quadam ratione potius totum orbem peragrandò, quàm humano cōsilio, lustratis regionibus subretnauigati orbis, amulari Solis cursum in terris videbantur. Enu-
merent alij licet villas, vrbes, oppida, quo in rerum magnificentia imperij magnitudinem ostendant; proponant portus, insulas, prouincias, & digitis significant, vt res illustres panè in conspectum proferatur; efficerent opum, ac diuitiarum copiam, vt nihil lautius, nihil splendidius possit cogitari; glorientur in magno regno, exultent in imperio; dum hæc cura ingens proferatur, regia, & gloriosa, quæ non multas villas, vrbes, oppida, non multos portus, insulas, prouincias, non

vim diuitiarum, atq; opum, non regni vnus, non vnus imperij ditio-
nem, sed terrarum orbis pondus, & administrationem rerum cuncta-
rum in terris incredibilem complectitur. Exulter igitur, vt libet, pri-
sca ætas, & suis magnis in viris sibi placeat; extollat Iasonem, Vlyssẽ
admiretur, Herculem tamquam virum diuina præditum virtute vene-
retur; quæ si Vespuccium, Columbũ, Megalanem intueatur, sui ipsius
erubescet in suorum laudibus omnino, & suam planè gloriam pro ni-
hilo putabit. Maximorum virorum fortitudine, qui præditi virtute
incredibili fuerunt, comprehendit Regis Philippi imperium totum fe-
rè terrarũ orbem; per omnes oras, quæ nobis antea rumore nullo, nul-
lis nuntiis notæ erant, auctoritate sui nominis peruasit; quò Sol adire
tantum putabatur, victricia arma peragrarunt; nullus labor, nulla dis-
ficultas, nullum iter insolitum, non ipsa panè desperatio remota est,
quò minus omnes terrarum fines Regis Philippi auspiciis Hispanicæ
classes penetrarent. Auspicia verò huius gloriosissimi viri ita certa, ita
sancta, ita diuina cunctis in locis extiterunt, vt deesse exitus felix ne-
quaquam posse videretur; ita bella iustis de causis suscepta, vt iam ini-
tio esset panè victoria in manibus; ita vnusquisq; nauandæ rei cupi-
dus, vt suæ salutis oblitus huius vnus spectaret voluntatem; ita rerum
cunctarum administratio probata, vt fortunata sibi gens, & beata vi-
deretur, quæ se tam sancti Regis, tam sapientis imperio traderet regene-
dam. Neque id huic cõgigit sine causa, qui eo pacto vitã instituerat, vt
diuinæ legi dies, noctesq; inherens omnium mortalium vtilitatem cõ-
prehenderet. Regum aliorum proprium esse solet, parere in bello vti-
litati, in pace suis commodis; hic verò pietatis in Deum rationem, om-
ni tempore maximam habuit; alij suum commodum, hic aliorum con-
cupiuit; alij sibi plurimum, nihil ceteris tribuere; hic verò sibi parum;
cuncta alijs prolixè deferre consuevit; atq; hoc nomine suum consiliũ
ad tempus numquam, verum ad omnium salutem mira quadam pro-
pensione animi accommodauit. Hominibus barbaris igitur nimia
regnandi cupiditas tribuatur, qui & impetu mouentur, & sui emolu-
menti causa ducuntur, multumq; se adeptos esse arbitrantur, si per vim
nulla virtutis ratione habita in multos populos tenere imperium con-
tigerit. Nostris verò, qui & diuinis menitis se regunt, & populorum
vtilitates animi sui salute metiuntur, tam magnum exitium Deus Opt.
Max. prohibeat; cum cælesti numine adiuti id curent, vt onus Reipub.
egregiè sustineant, & cunctis rebus suarum vrbiũ florentibus veræ
omnino gloriæ, & diuinæ voluntati satisfaciant. Minimè ille sibi, sed
alijs vigilauit, suasq; negligens aliorum quæ fuit vtilitates; neque vt
opes colligeret, sed vt vitam beatam suis populis præstaret, perpetuò
cogi-

cogitauit. Minimè igitur hoc tempore mirum est, eum lacrimis omnium, & mœrore desiderari, qui cogitationes suas, vitam, studium, industriam in omnium salute collocauit. Etenim qui immanitati hostiū resisteret, qui furori obuiam iret, qui nostris malis exultantem barbariem reprimeret, qui propositis periculis Rem. pub. forti animo defenderet, nemo erat ferè, nisi hic vnus præcipuè extitisset, qui labantes bonorū animos sustineret, qui ad spem de victoria desperantes reuocaret. Quàm se insolenter, quàm superbè, quàm atrociter iactare hostes sacratissimi cōsueuerant, quàm feliciter in nostras oras immittere, quàm sibi omnia, quæ nostra sunt, ad libidinem, ad direptionem destinauerant. Ad nomen immanium latronum maritimæ regiones tremere, & aduentū horrere consueuerant; vt non tantum calamitas ipsa, sed timor, & suspicio calamitatis, furente barbarie, obesset. Clausa erant omnia maria, squalabant omnes portus, iacebant mercatorum cōsilia, qui multis rebus contrahendis suarum vrbiū difficultates subleuabant. Instabat hostilis furor, vrgebat, singulis diebus nostris malis, & perniciæ cōualecebat; vt nisi hæc regia prouidentia, & singularis extitisset, ne respirare quidem posse quisquam ex nostris ausus esset. Cæternæ, & verbera, & carcer, & cruciatus quotidie animis obuersabantur; quibus eos, qui maritima loca incolebant, persæpè afficere, & multos, quos abriperant in seruitutem, vexare consueuerant. Exortus est vix hūc salutaris, ad quem, tamquam in arcem, qua tuti esse possent, boni omnes confugerent, suamq; vitam, atq; opes ab immanitate hostiū defenderent. Institia se profecto vel longinquis in locis ad famam Regis sapientissimi exhilarauit; facta est pulchrior modestia, vixit mirabiliter sanctitas, quæ de vitiis, & sceleribus exultans, plaudente probitate, triumphauit. Sed eadem nunc tam repentina morte se excruciant, & vt dolor, qui vix est cōsolabilis, leniatur, magno studio requirunt. Quid ego faciles aditus vobis dicam; quid humanitatem; quid patientiam, quid liberalitatem? Nequaquam patitur summarū rerum, & virtutum copia, quæ per longa est, vt brevis esse villo modo possim; cū vir hic summus nullo labore deterritus, nulla asperitate retardatus tam diu se in cursu laudis, & gloriæ exercuit, quàm diu illi vitæ cursus est tributus. Fuit ratio administrandi imperij tam grauis, tam perennis industria, occupatio tam laboriosa, vt credibile videatur, permagna quædam, atq; ingentem gloriæ spectasse eum, qui ne punctum quidem temporis à sollicitudine liberum, atque à curis vacuum habuerit. Sed multò aliter ab eo factum est; qui cū trophæa vnius saluatoris numini dicaret, & triumphos, honoris monimenta, & laudis insignia in eorum animis, qui essent memores, & grati, condidit, & collo-

collocauit; vt, quantum laudis diuturnitas temporis in posterum imminuet, tantum tot ornamentis decoris repudiatis paulo post afferat gloriæ; cùm ea magnitudine animi præditus fuerit, vt ea vicerit, à quibus ceterorum animi vincuntur. Non dicam de Hispanis, quos ipse tot annos tam magna æquitate semper rexit; non commemorabo Italos, qui huic vni Regi concordiam, salutem referunt acceptam; silebitur de Belgis, qui ne à Deo deficerent, nõ passus est vñquam Rex pius, & fœlix, vt ab auctoritate Pontificis Maximi rebellarent; orbis autem alterius nationes ad vestram memoriam reuocate, & quæ vis dicendi, quæ ingenij magnitudo, quæ verborum copia tam graui in negotio, tam ampla in facultate præcipuè quærat, vestris iudicij ponderibus expendite. Non ille proferendi imperij, sed dandæ salutis cupidus vtricibus armis, Solis radiis ducibus, vltimos terrarum fines peragrauit; vt Sol ipse iustitiæ, Dei filius, cunctis cognitus mortalibus ad vram salutem omnium animos accenderet. Quo in negotio non maria, non flumina, non montes, non terrarum fines vltimi semper cedentes retrò huius viri summi animum à suo sapientissimo consilio remouerunt; vt subleuasse montes, exaruisse flumina, maria, tamquam fræno, deposita immanitate, nostris classibus repressa, ipsiq; alterius orbis fines, vt Regis Philippi auspiciis obscurarent, singulari quadam cum lætitia nostris cum finibus coniuncti esse viderentur. O te felicem, Carole Quinte, qui cùm plurimùm moriens prouidisti, tum illud præcipuè, cùm filio tuo orbem terrarum regendum relinqueres, tuo iudicio assecutus es, ne tua in te prudentia desideraretur, quæ nunc debet à nobis tamen iustis de causis desiderari. Gratulemur igitur nobis, qui tam prudentibus Regibus, tam sapientibus tot annos vñ sumus; summi Dei iure optimo in nos benignitatem agnoscamus, qui tantum boni hoc præsertim tẽpore nostra causa effudit, quãtum nunquam vllis votis sumus ausi optare; cùm per totum orbem terrarum nostræ pietatis vires egisse radices, & cunctis in locis summa cum dignitate florere videamus. Vehementer optasse dicitur Magnus Alexander, cùm fines Indiæ tantum attigisset, vt nemini postea contineret eos terminos superare, quò ipse bellando peruenisset; sed frustra exoptauit nimia gloriæ cupiditate; cùm hominum consilia diuina ope subleuata cunctas res humanas suum sibi ad arbitrium subiiciant. Etenim eò celestibus auspiciis, ac salutaribus Rex prudentissimus processit, vt regni sui terminos non terræ regionibus, sed cœli spatiis præfinierit; non humanis viribus, sed diuino præne consilio, cùm sit vltèrius præcisus aditus, terminarit. Sed tamen quãni multi fuerint, cunctis exploratum est, qui in imperio tam amplo, in regno tam immenso

regiam

regiam gubernationem, dum viueret, ad suum votum exoptarint, qui res ad suum emolumentum concupierint, qui ante rerum exitum momorderint, qui desiderarint diligentiam, qui seueritatem improbarint, qui reprehenderint iudicium, qui voluntatem accusarint? cum aliis ablatum aliquid, aliis additum, aliis poena, aliis premium persolutum varias voces à diuersis propter vnum saepenumero eliciat; vt hic idem nunc vnus summi iudicii, admirabilis sapientie necessariò iudicandus sit, quem vna vox omniù, atq; orbis terræ cōsensus tam magnis laudibus post mortem efferendum esse iudicat. Huic enim vni vnusquisq; rei familiaris facultatem, fortunas, opes; huic vni parentes, liberos, affines; huic vni patriam, seruatas leges, vitam, mores; huic vni aras, focos, muros vrbis, ac tecta; huic vni pietatem, sacra omnia, templa refert mira quadam propensione animi accepta; atq; in Regem tam beneficum, tam salutarem, tam valde de cunctis mortalibus bene meritum mirificam quandam in perpetuum memoriam, & gratam poscitur. Hic vir vsquequaq; prudentissimus tamquam altaribus semper admotus, quod susceperat, constanter, & regie impleuit; Deiq; numen versari sibi ante oculos arbitratus est, quoties Rempub. terrarum omnium obire, & tractare consueuit. Homines praeterea, qui nauare suam operam religioni, & publicis vtilitatibus inscribere soliti sunt, quo studio fuit, qua voluntate complexus est? Reliqui sibi nihil fecit in amore ad eos augendos, vt laudibus efferret, vt honoris insignibus honestaret, totumq; se honorificentissimè profunderet. Quamobrem qua voluntate meminerat Carolum Quintum in Cosmum, Magnum Etruriae Ducem fuisse, eadem ipse in eum omni tempore praestitit. Nota erant officia, quibus Cosmus contra communes hostes Christianam Rempub. iuuisset; merita illustria non exciderat, quibus, quoties fuit opus, Regis voluntati praesto fuisset; vt cum à viris principibus, qui iungere socia arma consueuerant, mirabiliter diligeretur, à Cosmo tamen praecipuo quodam modo cultus fuerit. In causa pietatis, & religionis, quoties quis appellaret, atq; eius literas afferret, ad nomen Pontificis Maximi, verbis honorificentissimis capitis honorem semper exhibere consueuit. Quod autem viris nostratibus praesentibus, atque videntibus actum est, nunc libet enarrare; accidit enim, cum esset in Hispania Franciscus Medicus, qui postea Magnus Dux creatus est, vt rogaret Rex, ecquid esset Florentiae, quod scitu dignum esset; tum dixit quidam, qui venerat vnà cum cohorte, seruari nostrā in hac vrbe sacrum Christi Euangelium, Diui Ioannis Euangelista manu exaratum, summaq; religione custodi; quod eum Rex audisset, vt semel, atq; iterum repeteret, petiuit; deinde & capi-

tis

tis honore, & voce ad pietatem conformata, humiliter rem sanctissimam absens adorauit? O animum egregium? ò pietatem omnium vocibus predicandam, & de rerum sacrarum, & de dignitate Ecclesiæ semper cogitantem? Sed quò sunt ampliora illa bona, quibus Rex amplissimus omnes mortales mirabiliter affecit; èò vis lacrimarum maior, & luctus amplior exoritur. Affliçant se vrbes, quæ per tot annos in summa æquitate quieuerunt; excruciant prudentes viri suum animum, qui repente custode admirabili orbatì salutem suam vident in dubium venire; squalent nationes, insulæ, atq; portus optimi Regis desiderio, qui florere magnis mercatorum negotiis consueuerant; iam verò flumina, maria, & cælum ipsum mœrorem suum quodammodo testari, & nimia rerum impendentium perturbatione videntur inhorrescere. Longo ille labore, atq; incredibili vigilantia, vt diligereetur ab omnibus, affectus est; vt læderet neminem, vt iuuaret omnes, vt malis orientibus occurreret, vt bellorum incendia restingeret; vt, quæ ratione regere non poterat, pio semper Marte, & iusto potissimum sanaret. Quid enim vobis bellum, quod ad Samarobrinam consistit, multis verbis enarrem? quid Melitam immanium hostium classibus oppugnatam, atq; huius optimi Regis consilio seruata dicam? quid bellum Naupactæ victoriæ, quid pugnam ipsam summa contentione, incredibili animorum ardore pugnatam referam? quid Belgas toties victos, toties cefos, quid virtutem Hispanorum summis laudibus celebratam, quid exercitum Italorum eisdem in locis per tot annos iustissimam causam tuentem, & perpetuò victorem proferam? Iam verò quæ extremis in orbis partibus, quæ in terris à nostris sinibus infinitis aquarum spatiis disunctis, quæ in populis aduersa nobis vestigia vrgentibus gesta sunt, qua ratione sit bellatum, quibus viribus tantum multa sint firmata regna, qua sapientia tanti Regis à barbaris nationibus sit imperium acceptum, nolite ab hac mea dicendi tenuitate expectare, sit vobis satis, quod à certis hominibus audistis, quod clarissimis iam monumentis testatum est; cum sit iam omnibus exploratum, quod nulla verborum copia, vel summo ingenij flumine, ad res tantas posset aspirare. Redite in memoriã, nobilissimi viri, qui terror bonorum animos occuparat, dum timor Melitensis oppugnationis, & belli Cyprij periculum immineret; recordamini, quàm suspenso animo homines graues se afflitterent, quàm esset Italia excipiendis suspiciosus vocibus sollicita, nuntios, & rumores leuissimos ad suam sibi perniciem Christiana Respub. proponere solita erat; quam cum hic Rex optimus intimis animi sensibus complexus esset, vt sartam, & rectam tueretur, ne aliqua ex parte Turcarum sequi:ia ad eius salutem infringenda

Nam aspiraret, ne immanitas magnis exercitibus opprimeret, quibus se ille sensibus excitauit, quo arsit dolore, qua pietate, qua cunctis tam vehementer profuit, omnium cogitationes se ipso factus maior tunc vicit? Christiani nominis decus agebatur; causa publica veniebat in dubium; presens periculum ita commouebat, ut vir mirus animi probitate non posset sibi satisfacere, nisi omnium expectationi salutaria à se expectantium cumulatè satisfaceret. Ut ratio diuini cultus vbique seruaretur, ut fieret amplior, ut omnium mentibus in hereret, quàm grauitè, quàm religiosè, quàm sanctè omni tempore cogitauit? quàm ille vias omnes scrutatus est, ut hanc rem vnam quàm maxima diligentia conficeret? Quid igitur augustissimi templi, Diui Laurentij Escurialis amplitudinem proferam? quid ædificij præstantiam, quid rerum preciosarum artificium enarrem? Etenim eo splendore ab eo confectum est, ut planè cum Philippi omniū potentissimi Regis animo consentiat; ita industriè ornatum, ut id vnum maximè toto terrarum orbe visendum videatur; ita magnificè elaboratum, ut nullum magis appositè rebus sacris excipiendis fabricatum existimetur; ut, si cetera deessent, quæ præsto sunt copiosè, hac vna re tantum vnusquisque, & animi magnitudinem, & pietatem sanctissimi Regis posset sibi, suisq; oculis subiicere. Contendite à Deo cunctis animi viribus, honestissimi viri, ut Reges vobis eiusmodi eueniant, atque ij præcipuè rerum potiantur, qui ab humanitate, à consilio, à castitate, à religione Regis Philippi non abhorreant. Vixit ille animo tam forti, tam elato, tam pio, ut non sine causa in eius salute omnium salus niteretur; quem sui ut vitæ defensore, alieni ut columen fortunarum venerantur; quem longinqui, quem alienigenæ desiderant; quem omnes panè gentes, atque nationes lacrimis, & luctu prosequuntur. Durum est enim vitæ præsidium amittere; durius, inconsolabili se dolore afflictere; molestum, maximis commodis orbari; acerbius, summis spoliari; acerbius, sine vlla spe magna cum pernicie carere; miserum, timore rerum imminentium non conquiescere; miserius, atrocitate malorum, quæ iam urgent, quotidie torqueri; periculosum, sine salutaribus præditiis dimicare; periculosius, cum hoste quantum terribimo contendere; terribile, de suis fortunis in dubium venire; terribilius, in summo salutis, & dignitatis discrimine versari; horribile, strepitu armorum excitari; horribilius, hostem panè in possessionem orbis terrarum inuadentem non posse suo sanguine depellere. O frustra à nobis suscepta vota, quibus paulo post, viris principibus in cau-


sam incumbenribus, recuperatum iri Bizantiū iudicauimus? d' spera fallacem, quę nos tam diu inani cogitatione nimis credulos lactasti? huc tandem tua promissa reciderunt, vt, quos negligere in bello consueuimus, eosdem nūc in pace timeamus? quos suis ominino vrbibus exuere, eosdem, ne nobis nostras eripiant, cogamur perhorrescere? Quod timidi homines, sed tamen probi, & officiosi nunc confugient? cuius poterunt exploratē virtutem intueri? cui fortunas suas, & se credent? cuius fidem, probitatis custode, atque innocentia vindice sublato, implorabunt? Quoties aras, optimi viri, adiistis? quoties Deum supplicibus precibus rogastis (quoniam in vnus vita Respub. totius paxnē orbis nitebatur) vt hic vir optimus diu viueret, cuncto- rumq; mortalium commodis, si fieri posset, perpetuū adesset? Non est cessandum, mihi credite, in tam magna tot malorum impenden- tium perturbatione; incitanda est industria, quę acerrimis vigiliis huius optimi Regis tam multos annos conqueuit; vis omnis virtu- tum proferenda, qua Turcarum furor reprimatur, ne tam firmo pre- sidio destituti cunctis periculis, atque exitiis pateamus. Nonne vo- bis in mentem venit, quantopere Italia tranquillitas præter cetera cordi illi fuerit? & vt à belli suspitione abesset, quā vehementer cu- rauerit? Cui negotio, vt scitis, nobilissimi viri, Franciscus Medices, Magnus Dux, ita semper præstō fuit, vt summis Pontificibus, alijsq; viris principibus Italiae adiuuantibus, consilio, atque ope rem com- munem fortiter adiuuerit. Quamobrem factum est, vt Rex eius ani- mum, qui eodem, quod pater Cosmus, summa fide, spectauit semper, eximium habuerit. Ferdinandi verò propensio cum Regi ipsi nota, tum cunctis mirabiliter illustis, iisdem officiis, quibus frater, & pa- ter prosecuti sunt, regiam maiestatem vehementer coluit. Demus operam nunc quā possumus maximē, vt, vestigiis summi viri per- sequendis, ne planē à nobis hoc luctuoso tempore, & misero defe- cisse videamur. Ad id vestra studia, viri optimi, adducite, quibus virtutem tam salutaris Regis prosequamini; ad id animorum vestro- rum vires ferite, si memores, & grati in laudibus hominis de vobis optimē meritū vultis reperiri; ad id omnes cogitationes denique col- ligite, ne vlla gentes vestrum officium requirant in eo potissimum colendo, quem orbis terrarum magnis honoribus semper colendum indicauit. Id ipsum verò, quod dico, mandate memoriæ, pruden- tissimi viri, vt quod nulla vñquam ætate, nullis vñquam seculis con- tingit, in hoc summo Rege euenisse videatis; ponite ante oculos, vt vnus vno, eodemq; tempore diuersis, longinquis locis & pacis le- ges, & belli rationem cura admirabili tradere debeat; Cicero enim

in regno omnium amplissimo de omnium salute cogitantem casus horribilis affligit; cum alibi vastitatem, alibi defectionem extitisse nuntiatur; pereat imperium necesse est, nisi statim præsenti consilio subueneris; alibi coniuratio, alibi perfidia excitatur; actum est de summa rerum, nisi periculis imminentibus occurreris; nationes bellicosas sumpsisse arma, & bellum gerere affertur; non mediocris timor est, ne ad nihilum recidant omnia, si paululum cessaueris; pungit animum, si proficisceris in rem præsentem, non minus torquet, si remanseris; si consilio committis omnia, improbant, qui subito remedium expectant; si per duces rem gubernas, vellicant, qui rerum exitum attendunt; si vim vi, vt sæpè fit, fortissimè propulsas, mordent, qui seueritati aduersantur; Quod si id est multis idem onus sustinentibus laboriosum; multò vni pro cunctis vigilantibus laboriosius; si arduum per exiguum imperium tractanti, quantò multorum regnorum curam explicanti magis arduum? vt non vnius viri virtus, sed vis planè diuina in hoc sapientissimo Rege viguisse sit necesse; quæ tot res tam varias, tam amplas, tam arduas sine errore, sine cuiusquam panè querela per tot annos rexit, & sæliciter cum omnium approbatione ad exitum perduxerit. Defuit tantum ad summam sælicitatem in summo imperio, quòd eos hostes, quos singulari odio pro gloria Christiani nominis prosequeretur, bello potius dimisit lacessitos, quàm oppressos, & debilitatos magis, quàm deletos; sed potuit se eo nomine consolari, quòd ea bellandi ratio fuit, vitæ suppeditante, instituta, qua vt ad Naupactum, vt ad Melitam, vt ad Britanniam suis auspiciis factum est, & vim egregiè propulsare, & de teterrimis hostibus delendis planè possumus cogitare. Hoc nomine magnis classibus usus est, vt piratas omnium hostes toto mari magnis sumptibus fugaret; aluit præterea multos exercitus, vt hereticæ prauitatis initia opprimeret; & ne malitia pietatem inquinaret, vt diras cogitationes ab Ecclesia detergeret. Id opus pacis, & quietis summis artificijs quæsitum posteaquam vir mirus, atque acer, exacta ætate, incredibili vigilantia expleuit, & cum Rege Gallorum pacem agitari, quam ipse pepererat, læto animo perspexit, orbis terrarum lacrimis comitatus minimè grauatur diem ille suum obiit, qui dies cunctos mortales certis temporibus expectat. Id vt perficeret incredibili quodam modo obduruir ad patientiam, non solum hoc tempore, sed tota vitæ alias, cum priuatim aliquid ageret; satis id patet omnium ore, satis ipse omnibus indicio fuit; qui cum in secundis, tum in rebus aduersis, vultum eundem semper præstitit. Nemo eum iratum, aut commotum animo, aut perturbatum vi-

dit vniquam; quin etiam cum mortis minæ grauissimè imminerent, vt sustinuit, supreme Deus, &, quæ sunt aliis horribiles, vt contem-
 sit? Loculum ad se præterea, quo post mortem condendus erat, af-
 ferri iussit, vt videri, & versari sibi ante oculos posset; secumq; agi
 de sua morte, de suo sepulchro (cum ipse ad id eos, qui adessent, sua
 sponte inuitaret) animo tam quieto, tam tranquillo passus est, vt ve-
 reri videretur, ne qua res eum frangeret cursum, quem ipse rebus
 cœlestibus inhians semper tenuisset. Quàm ille pio animo (cum
 morbus hoc extremo vitæ tempore vim doloris augeret) dum Nūti-
 Apostolicus vnà cum Toletano Archiepiscopo adesset, filium suum
 monuit, vt munus sui imperij patienter obiret, vt auctoritatem Sum-
 mi Pontificis coleret, vt iustitiæ rectis ponderibus ius diceret, vt ho-
 mines regendis populis lectissimos deligeret, &, ne quis esset in suo
 imperio, qui à sanctissimis Ecclesiæ institutis dissentiret, summa vi-
 gilia prouideret? Præsentissimum Dei Opt. Max. numen ad ex-
 tremum vsque spiritum expertus est: Etenim cum Respub. orbis ter-
 ræ in eius consilio niteretur, non minus, dum mors instaret, mentis
 viribus ille viguit, quàm cum integra valetudine vteretur, nec minus
 consuluit sapienter, quàm cum suspicio inualetudinis abesset; nunc
 enim adhortando, nunc monendo, ita filium ad sanctitatem, ad sapien-
 tiam erudiit, ita fortibus vocibus religionem commendauit, vt No-
 stri Saluatoris maiestate nihil ei esse antiquius testaretur. Peracto
 igitur extremo vitæ actu, cum iam sentiret acerrimos mortis dolores
 aduentare, suarum ille cogitationum summam fecit; & Nostri Sal-
 uatoris numini sui animi vires commendauit. Quàm ille sepe, quàm
 valde non de aliorum salute minus, quàm de sua sollicitus ideo si-
 bi discessum è vita duriorum contingere testatus est, quòd minus,
 quàm vellent, quibus consultum volebat, consulisset, minusq; etiam
 pro animi sui voluntate Christianam Rempub. florentem reliquisset?
 Interpellabant animi constantiam suorum lacrimæ, sed in suis
 cogitationibus defixus suum propositum vergebat; monebantur
 aspectu rerum humanarum; sed ipse erecto animo diuinas cogita-
 bat; quantum illi laboris ab hostibus saeuissimis instaret, hic verò,
 vt communis omnium hostis insidias eluderet, non desisteat me-
 ditari. Quæ deinde sui ipsius cura, qui ardor, quod studium in il-
 lo atroci, atque horribili mortis, & vitæ prælio? quanta cupiditas
 salutis, quanta huius seculi neglectio? Hoc extremo tempore mi-
 nimè ille se deseruit, sed vt summi duces acerrimis in dimicationi-
 bus facere solent, qui vt honestè decumbant, morti etiam fortiter se
 offerunt; sic ille Nostri Saluatoris dux fortissimus vt sanctè, vt piè
 extre-

extremum vitæ diem terminaret, quicquid laboris, cruciatus, doloris propenebatur, per se subire magno animo, & perpeti non dubitavit. Quàm ille sapè decus Reipub. quàm crebris vocibus Ecclesiæ dignitatem sanctissimè vsurpauit? quàm demisse, quàm humiliter filij Dei matrem inuocans Nostri Saluatoris numini supplicauit? quoties languentes artus ad officium pietatis, quoties acerrimis doloribus vrgentibus ad Dei laudes mentem reuocauit? Sed mors cum aduentaret, & morientibus vocibus corpus mori iam inciperet, vt cunctis Ecclesiæ Sacramentis animum suum præmuniret, grauius, & summa voluntate postulauit. Id verò postea quam adeptus est, premente cruciatu, non inuitus ille, aut timidè iter est ingressus, quod mortales omnes horrent; victisq; vitiiis, & secleribus, absumpto vitæ cursu, pugnaq; fortiter contentione perpetua pugnata, vt nostra est spes, ad illud præmium profectus est, quod Deus piè, constanter, & sanctè dimicantibus liberalitate admirabili promisit. Sed, quod cunctis iam gentibus salix, & faustum est, alter nobis Philippus incredibili omnium approbatione redditus est. Etenim eodem nomine, quo vocatus est pater, filium appellari, non sine causa, nobilissimi viti, vt opinor, factum est. Vim eandem virtutis cum ipso nomine Philippus filius posthac pollicetur, quam Philippus pater mirabiliter præstitit. Fortunata adolescens, qui Dei Opt. Max. numine adiutus in possessionem imperij omnium amplissimi pedem posuisti; quæ nunc tuæ sint partes, & monitis patris, & tui ingenij magnitudine didicisti; quid cupiat bonorum consensus, quid orbis terrarum à te flagitet, tam ærumnosis temporibus, intueris. Nemo dubitat, quin paternis vestigiis insistens, & præceptis sanctissimis obtemperans eam rationem præcipuè adhibeas, quæ tuo imperio salutaris omnium salutem gloriosè comprehendat. Minimè tua laus Hispaniæ terminis, sed (cum virtutem tuam, quæ regendis tot regnis explicanda est, præcipuè considero) omnium gentium regionibus continetur. Vnusquisque benè secum actum in arbitrat, si tibi, vt optamus, secundæ res contigerint; strepituq; armorum, quibus orbis terrarum quotidie concutitur, vt in tuo parente factum est, salutem suam tua salute metietur. Auspiciis salutaribus viam ingredi, quam tibi anus Carolus, & Philippus pater ad verum decus tritam reliquerunt; vt, dum ingenti gloria te cumulas, amplissimis rebus obeundis, ad salutem orbis terrarum toto pectore incumbas.

D I X I.





FLORENTIAE,
Apud Michaelangelum Sermartellium. B.F.
MDXCVIII.

D I N I